

Racoiüda dl refodam da tosser l'ater lönesc, 16 de ma, dales 10.00 ales 11.00, a San Martin dan le magazin di Stödafüch.

En mercuri, ai 24 de ma, tëgn la Scolina da San Martin le De dla Porta Daverta: dales 14.30 é dötes y düc i interessá bel invíá da gní a se fá na roda te scolina.

PLOANIES SAN MARTIN Y LUNGIARÜ

Invit ala ora d'oraziun en vëndres, ai 12 de ma, dales 20.00, sö Oies

La Uniun Ëi Val Badia KMB inviëia düc i ëi y i jogh ala prozesciun cun linternes en sabeda, ai 13 de ma, dales 21.00, da Porsenú/Vinzentinum a Neustift ala mëssa cun le Vësko. Al passa na coriera a Picolin ia dala Burcia dales 19.20. Prenotaziuns pro Leo Crepaz 348 40 96 351 cina en dedolönesc, ai 10 de ma.

Düc, Seniors/es da San Martin-Antermëia y da Lungiarü é invíá le vëndres di 26 de ma a jí a ti ciaré ala cité de Sterzing (cun guida) y a Maria Trens. I piun ia da Lungiarü dales 8.15 y da San Martin dales 8.30. Cost 15 euro (marëna nia lapró). Präibel prenotésse pro Alfred Ploner 333 36 547 86 cina ai 20 de ma.

SAN MARTIN

En dedemesaledema, da bur' tëmp en jöbia, vëgnel sié dales 14.00 inant la cortina; chi che á dlaurela é bel invíá da gní a daidé.

La Uniun dles Ëres inviëia dötes les ëres la sabeda di 20 de ma da jí a ti ciaré ala fabrich dal café "Caroma" a Fié dl Sciliar, marëna dal Santner's y tru de meditaziun a Ciastel de n'ora y mesa da ji sauri. I piun ia dales 7.00. Prenoté cina en dedolönesc (16/05): 339 31 15 679. I odun sce to auti privac o n bus.

LUNGIARÜ

Por le gran interes vëgnel tigní ciamó n curs da cují por prinzipianc/tes de 5 incuntades de lönesc ai 5, 12, 19 y 26 de jügn y ai 03 de messé dales 19.30 ales 21.00. Prenotaziuns cina ai 21 de ma pro Chantal 348 17 33 391. Posc limitá.

La Biblioteca San Martin inviëia en dedolönesc (09/05), dales 15.00, a n domisdé cun stories, pastelné y jüc por mitans y mituns dla scora elementara.

La Musiga da San Martin inviëia bel al concert d'aisciöda en domënia (14/05) dales 20.00 tl gran salf a San Martin cun melodies tradizionales y modernes y ince val' soli sot ala direziun de Sepl Pezzei. I Ves aspetun cun ligrëza!

La Ciamena dal quant sará inant daverta por se chirí fora quant, mo al vëgn perié da ne porté nia plü quant dala fin de ma inant, deach'al vëgn chirí n'atra sënta. Sce zacai ess locai adatá a desposiziun, ési dër bel períá da se lascé adintëne. Plü inant gnará lascé alsavëi sciöch'ara vá inant.

Baratada di ciüfs, pelzes y somënzes le mercuri, ai 10 de ma, dales 20.00 tl salf di stödafüch a San Martin. Sigrid Thaler Rizzoli tignará n referat sura "Die Kraft der Kräuter für die Hausapotheke und Küche mit Rezeptvorschlägen". Al vëgn ince splighé co adoré i ciüfs y les pelzes portades en ca sëra. Düc é bel invíá.



unitepastoral.org

Plata dles Ploanies San Martin y Lungiarü



ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
daziun: anton.gasser@rolmail.net - 348 27 44 517 / 0474 523 194

07.04. - 14.05.23 n. 24

ultimo termo por comunicaziuns: jöbia, dales 20.00

5ª DOMÈNIA DE PASCA

Vangele do san Jan 14.1-12

Osc cör ne se lasces nia turbè. Cherdede te Dî y cherdede te mè!
Tla ciasa de mi Pere é l tröpes abitaziuns.
Sc'ara ne foss nia insciö, ves essi dit dailò: I va a ves arjigné ca n post?
Canch'i sarun jü y ves arà arjigné ca n post,
vëgni indô, y i ves condüji da mè, por ch'i sëise incé os, olache iö sun.
Y olache iö va – chël tru conescëise pö.
Tomesc ti à dit:
Signur, i ne savun nia olache te vas.
Cô désson pa spo conësce le tru?
Gejù ti à dit:
Iö sun le tru y la verité y la vita;
degügn ne röia dal Pere ater co tres mè.



*Gejù é tröp sön tru. Deplü iadi él jü dala Galilea a Ierusalem.
Cun rajun tol Gejù le simbol dl tru por descrí se instës y süa vita.
Ince i discepuí é tröp sön tru cun Gejù
y sön düc sü iadi impara él dessigü cotan de conferta y confidënza.
Y impó sintíi che pro Gejù él val' de misterius,
val' ch'ai ne capí nia y val' ch'ai ne savó nia co ch'ara dô jí inant.
Chësc vangele é tut dal discurs de Gejù pro l'ultima cëna
denanche to comié da sü discepuí.
Ai sintí ch'ai á da s'aspeté val' de pesosch y de scür,
val' ch'ai n'è nia bugn da s'imaginé.
Ester sön tru cun Gejù é na scora de domandes y de confidënza.
Damané ó dí: i ne sá nia, i chiri y damani.
Confidé ó dí: i po speré ch'ara vais fora bun:
cun Gejù: "Iö sun le tru y la verité y la vita!"*

EDEMA - ANN "A"	SAN MARTIN	LUNGIARÜ	 I periun do l'intenziun dl Papa tl mëis de ma I periun por i grups y i movimënc dla Dlijia ch'ai vëighes ite vigni de danü cara che é súa misciun da porté inant le vangele, y ch'ai adores sües facultés y poscibilités olach'al é debojëgn. Ma de beles parores? I aldiun y odun tres indô de beles parores fora dla Sacra Scritöra ch'i metun te na bela cornisc y tacun sö inzai. Ma de beles parores, o desseres ester val' deplü? N aiüt por la vita! De te' parores podess ester le salm dl bun famëi, ch'i un cianté l'ultima domënia, o le dit de Gejú dl vangele da incô: "Iö sun le tru y la verité y la vita" Chëstes é propi parores por na miú vita che me dá consolaziun tla tristëza, coraje tla tëma, n daciasa tl forest; y implü orientamënt te n monn compliché. Degönes indicaziuns avisa co s'astilé, mo regoles do le comandamënt dl amur che é sciöche n iade fora por n antersis; les sis te fej sintí bëgn y te rovënn a bun fin.
07.05.23 5ª DOMËNIA DE PASCA	<i>Festa dla Pröma Comuniun</i> 9.30 Ingres dala scora demez Mëssa da festa por i neocomunicanc 19.30 Corona de ma sö Ju	7.50 Corona 8.15 Gran Mëssa dla Comunité <i>al cianta le Cor „Mosaic“</i> 15.00 Corona de ma tla capela de S. Ojöp Fr.	
08.05.23 <i>Ulrika, Guido, Desiré</i> Lönesc	19.30 Corona de ma a Picolin		
09.05.23 <i>Beat, Luisa de Marillac</i> Dedolönesc	19.00 Mëssa + Erwin Rungger ++ Zingerle, Col		
10.05.23 Dedemesaledema <i>Jan da Ávila, Antonin</i>	20.00 Corona de ma sö Frëina	7.30 Mëssa en onur di Agnui Custodi + Ida Nagler dl Mair por les Püres Animes dedô Corona de ma	
11.05.23 <i>Iachin, Walter, Fabio</i> Jöbia	19.30 Corona de ma it'a Bioch		
12.05.23 <i>Pancraz, Imelda</i> Vëndres	18.30 Adoraziun chîta 19.00 Adoraziun deboriada	19.30 Corona de ma fora dala Grota	
13.05.23 Sabeda <i>Santa Maria da Fatima, Servaz</i>	Mëssa a Lungiarü	18.30 Mëssa prefestia ++ Zilia y Franz Pezzei, Ghestan + Monica Mischi Daporta dl ann + Cecilia Mischi Clara	
14.05.23 6ª DOMËNIA DE PASCA <i>De dla Uma</i>	7.45 Corona de ma 8.15 Gran Mëssa dla Comunité ++ siur Heinrich Videsott y siur Franz Sottara + Maria Alfreider Zingerle 19.30 Corona de ma sö Ju	<i>Festa dla Pröma Comuniun</i> 9.30 Ingres dala plaza dan le Sanví Mëssa da festa por i neocomunicanc 15.00 Corona de ma tla capela de S. Ojöp Fr.	
 <i>Cun ligrëza tolunse ite les mitans y i mituns dla pröma comuniun te nosta comunité incër la mësa dl alté al past dl Signur, a chël ch'al inviëia pici y gragn. Gejú dij pö tl vangele do Lûca (22,15): I m'á dër dejidré da tigní chësc past cun os. Insciö ti audunse ai mituns y ales mitans dla pröma comuniun, y ince a nos, na bela incuntada sintida cun Gejú y inanter nos y na bela festa che ti restes imënt por döta la vita a chisc pici: Lara Dapoz, Giulia Graffonara, Davide Grygorov, Ida Moling, Peter Sorá, Tobia Tavella, Matî Tolpeit y David Verginer.</i>			